

فأنا علي بن الحسين فأروا حيدر

برز الأكبر في السيوف نادى قطعيني

ما يخاف ابهيبته لسياف ولا الدم
وارتجف كل سيف منه والعدو تقسّم
چنه حيدر في الحرب لمن تقدّم
كل شجاع ابطلعته من لكبر ايتعلم

أشبهه الناس إرسول الله تحزّم
لزم أبأيده الشريفة عنانه المطهم
ما أحد في المعركة من سيفه يسلم
هيبته واشراقتة خلا العدو ايتلعثم

في الحرب من يوصله
چنه سيفه زلزله
يبقى عالي المنزلاه
في المعارك حاصله

من قراها البسمله
كل عدو يمه هوى
هذا بن خير الورى
من شجاعة حيدر

ياخذ الأكبر مثاله ومنه يتعلم
يصبح الأكبر شفيعه في الحشر لعظم

كل شباب ابهالمواقف والله مايندم
قدوته بسيرة حياته وبالنهج يلزم

فرصة لينا نعتلي
بكل حياته والصور
نقتدي منه علي
نمشي إحنا اعلى الأثر
ناخذ بحبه المعاي
مدرسة من التقا
ني الكريمة
ني عزيمة

والي في دنياه غارق من ذنوبه
ناوي التوبة النصوحة بكل دروبه
يدعو الله بهالمسيّة إيفاك كروبه
بحق علي الأكبر يخلصه من عيوبه

وثيق بالدمى أروع شهادة
متمسك بحبل الحق قيادة

شباب وسيرته كلهها إرادة
كثرة هالعدا ماهز فواده

غشاهم بجبينه
نور الحق بذاته
مشهود ابنوره
في أجمل صوره

الأكبر عالدينه
نعرفها غاياته
ماغمض له عينه
من حدة نظراته

فارس الهيجا ابكلب ما أعرف الفر
وارث اعلوم المعارك منه حيدر

زمجربوجه الأعادي أنا الأكبر
أنا حامي عنه ديني وأرفض الشر

ياعلي الأكبر طريقك حافظه الرب العلي
وإلي عاذاك ابجهنم من فعاله تمتلي

أنته قربان الشهادة والفداء الأولي
حتى آخر لحظة منك تلهج ابذكره الجلي

وإحنا نفديك بمحاجرنا اويادنا
وانته من دم النحر تكتب نصرنا

ناخذ بنهجك يلكبر كل عزمنا
من طحت ظن العدو إنه هزمننا